

Na osnovu člana 17. Zakona o Vijeću ministara Bosne i Hercegovine („Službeni glasnik BiH“ br. 30/03, 42/03, 81/06, 76/07, 81/07, 94/07 i 24/08) i člana 2. stav (4) Odluke o privremenom zatvaranju međunarodnih graničnih prelaza u vazdušnom saobraćaju za promet putnika u Bosni i Hercegovini („Službeni glasnik BiH“ br. 20/20 i 21/20), na prijedlog Ministarstva sigurnosti Bosne i Hercegovine, Vijeće ministara Bosne i Hercegovine, na 17. vanrednoj (telefonskoj) sjednici održanoj 27.04.2020. godine, donijelo je

ODLUKU

O ODOBRAVANJU PRIVREMENOG OTVARANJA MEĐUNARODNOG GRANIČNOG PRELAZA U VAZDUŠNOM SAOBRAĆAJU ZA PROMET PUTNIKA - AERODROM SARAJEVO, RADI POVRATKA DRŽAVLJANA BOSNE I HERCEGOVINE IZ TURSKE U BOSNU I HERCEGOVINU I POVRATKA DRŽAVLJANA TURSKE IZ BOSNE I HERCEGOVINE U TURSKU

Član 1.

(Predmet odluke)

Ovom odlukom odobrava se privremeno otvaranje međunarodnog graničnog prelaza u vazdušnom saobraćaju za promet putnika - Aerodrom Sarajevo, radi povratka državljana Bosne i Hercegovine iz Turske u Bosnu i Hercegovinu i povratka državljana Turske iz Bosne i Hercegovine u Tursku.

Član 2.

(Povratak državljana)

- (1) Povratak će biti izvršen dana, 28.04.2020. godine, međunarodnim avionskim letom na relaciji Istanbul – Sarajevo – Istanbul, a putnici će se iskrcati i ukrcati na međunarodnom aerodromu Sarajevo.
- (2) Lista putnika iz stava (1) ovog člana, će biti dostavljena nadležnim organima Bosne i Hercegovine prije slijetanja i polijetanja aviona.

Član 3.

(Obaveze putnika)

Nakon slijetanja i prije polijetanja aviona na i sa međunarodnog aerodroma u Sarajevu, putnici su obavezni pridržavati se i poštovati sva uputstva i naredbe nadležnih tijela Bosne i Hercegovine (graničnih, epidemioloških i zdravstvenih službi).

Član 4.

(Realizacija odluke)

Za realizaciju ove odluke zadužuje se Granična policija Bosne i Hercegovine, nadležne entitetske epidemiološke i zdravstvene službe i službe Brčko distrikta Bosne i Hercegovine i JP Međunarodni aerodrom „Sarajevo“ d.o.o. Sarajevo.

Član 5.


(Stupanje na snagu)

Ova Odluka stupa na snagu danom donošenja i objavljuje se u „Službenom glasniku BiH“.

VM broj 45 /20

27.04.2020. godine

Sarajevo



Predsjedavajući

Vijeća ministara BiH

Dr. Zoran Tegeltija